



“დამტკიცებულია”

სატენდერო კომისიის 2011 წლის

21 იანვრის №1 სხდომის ოქმით

კომპიუტერული პროგრამის (მონაცემთა ბაზის) სახელმწიფო შესყიდვის

სატენდერო დოკუმენტაცია

ქ. რუსთავი

სარჩევი

1. საკვალიფიკაციო მოთხოვნები -----	3
2. გასაწევი მომსახურების ტექნიკური დავალება-----	5
3. მომსახურების გაწევის ვადები და პირობები-----	7
4. ანგარიშსწორების პირობები -----	7
5. პრედენდენტის რეკვიზიტები, სატენდერო ფასი და წინადადების მოქმედების ვადა -----	8
6. სახელმწიფო შესყიდვების შესახებ ხელშეკრულების პროექტი -----	9

საკვალიფიკაციო მოთხოვნები

1. საკვალიფიკაციო მოთხოვნების თანახმად, გამარჯვების შემთხვევაში პრეტენდენტმა უნდა წარმოადგინოს შემდეგი დოკუმენტები:

1.1 იურიდიული პირებისთვის და ინდივიდუალური მეწარმეებისთვის:

ა. ამონაწერი სამეწარმეო და არასამეწარმეო (არაკომერციული) პირების რეესტრიდან;

ბ. ცნობა საქართველოს საჯარო რეესტრის ეროვნული სააგენტოს სამეწარმეო და არასამეწარმეო (არაკომერციული) პირების რეესტრიდან, რომ იურიდიული პირის მიმართ არ მიმდინარეობს მისი რეორგანიზაცია ან ლიკვიდაცია;

გ. ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო-სამართლებრივი შეზღუდვის არარსებობის შესახებ;

1.2 ფიზიკური პირებისათვის:

ა. პირადობის დამადასტურებელი მოწმობის ასლი;

ბ. გადასახადის გადამხდელად რეგისტრაციის დამადასტურებელი საბუთი;

გ. ცნობა სასამართლოდან რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

დ. ცნობა საქართველოს საჯარო რეესტრის ეროვნული სააგენტოდან, პირის ქონებაზე საჯარო-სამართლებრივი შეზღუდვის არარსებობის შესახებ;

1.3 როგორც იურიდიული ასევე ფიზიკური პირებისათვის:

ა. ცნობა საგადასახადო ინსპექციიდან ბიუჯეტის მიმართ დავალიანების არ ქონის შესახებ.

ბ. ცნობა საგადასახადო ინსპექციიდან დ.ღ.გ.-ეს არგადამხდელობის შესახებ (ასეთის არსებობის შემთხვევაში)

1.4 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემის თარიღი არ უნდა უსწრებდეს ელექტრონული ვაჭრობის დამატებითი რაუნდების დასრულების თარიღს;

1.5 ამ პუნქტის 1.4 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველ ორგანიზაციაში მოთხოვნიდან არა უმეტეს 3 (სამი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე;

1.6 პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის

დისკვალიფიკაციას. და მას არ დაუბრუნდება სატენდერო წინადადების უზრუნველყოფის გარანტიის თანხა.

1.7 პრეტენდენტის მიერ ელექტრონულ სისტემაში უნდა აიტვირთოს შემდეგ მონაცემები:

ა) გასაწევი მომსახურების ტექნიკური დავალება.

ბ) მომსახურების გაწევის ვადები და პირობები.

დ) ინფორმაცია პრეტენდენტის თანამშრომელბის მიერ ანალოგიური მომსახურების გაწევის (კომპიუტერული პროგრამების მომზადების) შესახებ, რომელიც უნდა შეადგენდეს მინიმუმ 2 წელს.

გ) რეკვიზიტები, სატენდერო წინადადების ფასი, პრეტენდენტის შესაბამისად უფლებამოსილი პირის მიერ ხელმოწერილი ინფორმაცია სატენდერო წინადადების მოქმედების ვადის შესახებ დანართი №1-ის მიხედვით. (სატენდერო წინადადება უნდა მოქმედებდეს მისი სისტემაში ატვირთვის დღიდან არანაკლებ 30 კალენდარული დღის განმავლობაში;)

1.8 სახელმწიფო შესყიდვების ერთიან ელექტრონულ სისტემაში (შემდგომში - სისტემა) ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს უფლებამოსილი პირის მიერ.

1.9. პრეტენდენტს უფლება არა აქვს წარმოადგინოს ალტერნატიული წინადადება.

დამატებითი ინფორმაციის გაცემაზე პასუხისმგებელი პირი: ლია ბოლოთაური ტელ.: 899 326 346

გასაწევი მომსახურების ტექნიკური დავალება

წინამდებარე გამარტივებული ელექტრონული ტენდერი ტარდება ა.ა.ი.პ. „რუსთავის კორპუსის“ მიერ თავისი უფლებამოსილებების განხორციელების ეფექტურობის გაზრდისათვის, რაც ასევე ითვალისწინებს აღრიცხვიანობისა და ანგარიშგების (რეპორტირების) გამჭვირვალებას. აღნიშნულის მიზნით შესაბამისი ქსელური კომპიუტერული პროგრამის (მრავალმომხმარებლიანი) შედგენას, რომელიც უნდა პასუხობდეს შემგომ ტექნიკურ მოთხოვნებს

1. მოთხოვნები პროგრამულ უზრუნველყოფაზე

1.1. ფუნქციონალური ნაწილი

ა) ძირითადი ფუნქციონალი

- ❖ პროგრამის საშუალებით უნდა მოხდეს ამხანაგობების აღრიცხვა და მართვა (უნდა მოხდეს ინფორმაციის შენახვა ამხანაგობის ძირითადი პარამეტრების შესახებ, ამხანაგობის წევრების შესახებ, ამხანაგობასთან დაკავშირებული ელექტრონული დოკუმენტების შესახებ). შესაძლებელი უნდა იყოს ამხანაგობების რეგიონული დანაწილება რეპორტირებისთვის.
- ❖ პროგრამის საშუალებით უნდა მოხდეს ყველა შემსრულებელი კომპანიის აღრიცხვა (უნდა მოხდეს ინფორმაციის შენახვა კომპანიის ძირითადი პარამეტრების შესახებ, კომპანიის საბანკო რეკვიზიტების შესახებ, კომპანიის წევრების შესახებ, კომპანიასთან დაკავშირებული ელექტრონული საბუთების შესახებ)
- ❖ როგორც ამხანაგობის ასევე ორგანიზაციის წევრების შესახებ სისტემაში უნდა აღირიცხოს შემდეგი ინფორმაცია: ძირითადი ინფორმაცია, პირადობის დამადასტურებელი ინფორმაცია, ინფორმაცია კონტაქტების შესახებ, ინფორმაცია მისამართების შესახებ, წევრის ფოტოსურათი
- ❖ პროგრამის საშუალებით უნდა მოხდეს ყველა შესაკეთებელი ობიექტის ტიპის აღრიცხვა - ძირითადი ინფორმაცია ობიექტის ტიპის შესახებ, პროცენტული განაწილების მითითება მერიასა და ამხანაგობას შორის თითოეული ობიექტის ტიპისათვის
- ❖ სისტემაში უნდა იყოს შესაძლებელი ყველა შემოსული განაცხადის აღრიცხვა (უნდა მოხდეს ინფორმაციის შენახვა განაცხადის ძირითადი პარამეტრების შესახებ - ამხანაგობა, შემსრულებელი ორგანიზაცია, თანხის წილობრივი განაწილება, შესაკეთებელი ობიექტის ტიპი, ასევე უნდა მოხდეს განაცხადთან დაკავშირებული ყველა ელექტრონული საბუთის მიბმა განაცხადზე)
- ❖ სისტემამ უნდა უზრუნველყოს მასში რეგისტრირებული ყველა ობიექტისათვის (ამხანაგობა, განაცხადი, შემსრულებელი ორგანიზაცია) - ელექტრონული აღრიცხვის ნომრის მინიჭება.
- ❖ სისტემის საშუალებით უნდა მოხდეს განაცხადების მდგომარეობის (სტატუსის) მიხედვით დამუშავება, ამხანაგობის მიერ შემოტანილი განაცხადების პროცესის შესაბამისად
- ❖ სისტემას უნდა ჰქონდეს საშუალება მოახდინოს ამხანაგობებთან და მათ მიერ შემოტანილ განაცხადებთან დაკავშირებული ძირითადი საბუთების გენერაცია (Word ან PDF ფორმატით). ამხანაგობასთან დაკავშირებული საბუთები : აღრიცხვის ფურცელი, წერილი აღრიცხვაზე უარის შესახებ, წერილი აღრიცხვაზე ცვლილების შესახებ. განაცხადთან

დაკავშირებული საბუთები : აღრიცხვის ფურცელი, ბრძანება თანხის დამტკიცებაზე, წერილი განაცხადზე უარის შესახებ, ხელშეკრულება ბინათმესაკუთრეთა ამხანაგობასა და შემსრულებელ ორგანიზაციის შორის, ხელშეკრულება ბინათმესაკუთრეთა ამხანაგობასა და კორპუსს შორის, მიღება ჩაბარების აქტი

- ❖ სისტემის ყველა ძირითადი პარამეტრი (საბუთის ტიპები, მისამართის ტიპები, კონტაქტის ტიპები, ორგანიზაციის ტიპები, საბუთის დასაშვები ზომები, უფლებები და ა.შ) უნდა იყოს კონფიგურირებადი და დროში უნდა შეიძლებოდეს ყველა ძირითადი პარამეტრის ცვლილება პროცესის ცვლილების შესაბამისად

ბ. რეპორტირება

- ❖ სისტემას უნდა ჰქონდეს საშუალება მოახდინოს ძირითადი ინფორმაციის ექსპორტი სხვადასხვა ფორმატით (Word, Excel, PDF)
- ❖ სისტემას უნდა შეეძლოს სხვადასხვა ჭრილში ინფორმაციის დათვლა შესრულებული სამუშაოების შესახებ და მათი რეპორტების სახით წარმოდგენა : შესრულებული სამუშაოები ამხანაგობის, კომპანიების, რეგიონების, შესაკეთებელი ობიექტების ჭრილში
- ❖ სისტემას უნდა შეეძლოს სხვადასხვა ტიპის სტატისტიკური ინფორმაციის ამოღება რეპორტების სახით : ამხანაგობის, ამხანაგობის წევრების, განაცხადების, შესრულებული სამუშაოების შესახებ

1.2. არქიტექტურა და ტექნიკური მოთხოვნები

- სისტემის არქიტექტურა: სისტემისარქიტექტურა უნდა იყოს კლიენტ-სერვერილი ტიპის : ანუ სისტემასთან მუშაობა უნდა შეეძლოს ერთდროულად ერთზე მეტ მომხმარებელს (კლიენტს), რომელიც მიმართავს ერთ ცენტრალიზებულ მონაცემთა ბაზას.
- მომხმარებლების უფლებათა მართვა: შესაძლებელი უნდა იყოს სისტემაში თითოეული მომხმარებლისთვის განისაზღვროს როლი (გარკვეული უფლებათა ერთობლიობა), რომლის ფარგლებში მომხმარებელიმოახდენს სისტემაში სხვადასხვა ტიპის ინფორმაციაზე წვდომას და დამუშავებას - რაც გულისხმობს თითოეულ ფორმაზე და ქმედებაზე უფლების განსაზღვრის შესაძლებლობას
- სისტემას საშუალება უნდა ჰქონდეს მონაცემთა ბაზის სარეზერვო კოპიის პერიოდული შექმნისა. უნდა მოხდეს როგორც მონაცემთა ბაზის ასევე სისტემასთან დაკავშირებული ნებისმიერი ელექტრონული საბუთის სარეზერვო კოპიების შენახვა.

1.3. კომპიუტერული პარამეტრები

- სისტემას უნდა შეეძლოს გამართული და შეუფერხებელი მუშაობა შემდეგი კომპიუტერული პარამეტრებზე დაფუძნებით:

სერვერის სახით	კომპიუტერი (Desktop) პროცესორი i3-540 3,06 MHz, H55 Chipset 4 GB DDR3 1333MHz 1TB 7200Rpm SATA/DVD - RW , SATA, Integrated Graphics 733 MHz 18,5" LCD monitor, keyboard, maus, spikier.
მომხმარებლის სახით	კომპიუტერი (Desktop) პროცესორი Dual Core CPU E5700T 3,06 MHz, G41 Chipset 2 GB DDR3 1333MHz, 500 GB 7200RPM SATA/ DVD - RW 18,5" LCD monitor keiboard maus spiker.UPS 600VA

მომსახურების გაწევის ვადები და პირობები

გამარჯვებულმა პრეტენდენტმა უნდა უზრუნველყოს ტექნიკურ დავალებაში მოცემული მომსახურების გაწევა ხელშეკრულების გაფორმებიდან არაუმეტეს 28 სამუშაო დღის განმავლობაში. აღნიშნულ პერიოდში უზრუნველყოფილ უნდა იქნეს:

- ა) სისტემის მომზადება (ფუნქციონალის შექმნა) 14 სამუშაო დღე
- ბ) სისტემის დანერგვა მომხმარებლებისთვის სამუშაო დღე 10 სამუშაო
- გ) ტრენინგი თანამშრომლებისათვის (მინიმუმ 3 თანამშრომელი) 4 სამუშაო დღე.

** შენიშვნა ტრენინგები უნდა განხორციელდეს ა.ა.ი.პ. „რუსთავის კორპუსში“ მის.: ქ. რუსთავი მეგობრობის გამზირი № 2 პოლიკლინიკის შენობა.*

ანგარიშსწორების პირობები

პრეტენდენტების მიერ წარმოდგენილი სატენდერო ფასი უნდა შეიცავდეს გასაწევი მომსახურების ღირებულებას, მოქმედი გადასახადებისაჩათვლით და მომსახურების გაწევის პირობების გათვალისწინებით.

ნებისმიერ ხარჯი რომელიც არ იქნება გათვალისწინებული არ დაექვემდებარება შემდგომ ანაზრაურებას.

იმ შემთხვევაში თუკი პრეტენდენტი არ არის დ.დ.გ.ს გადამხდელი მან უნდა წარმოადგინოს ცნობა საკვალიფიკაციო მონაცემების 1.3. „ბ“ პუნქტის შესაბამისად.

წინასწარი ანგარიშსწორების შესაძლებლობა არ განიხილება.

პრეტენდენტის რეკვიზიტები, სატენდერო ფასი და წინადადების მოქმედების ვადა

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

საკონტაქტო ტელეფონი:

ელექტრონული მისამართი:

ბანკის კოდი:

ანგარიშსწორების ანგარიში:

ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

3. სატენდერო წინადადების მოქმედების ვადა:

სახელმწიფო შესყიდვების ერთიან ელექტრონულ სისტემაში წინადადების მიღების დაწყებიდან არანაკლებ 30 კალენდარული დღე.

სახელმწიფო შესყიდვის შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

წინამდებარე ხელშეკრულება დაიდო _____ 2011წ.

ერთის მხრივ

არასამეწარმეო (არაკომერციული) იურიდიული პირი “რუსთავის კორპუსი” (შემდგომში „შემსყიდველი“)

და მეორეს მხრივ

(შემდგომში „მიმწოდებელი“)

(მიმწოდებლის დასახელება და რეკვიზიტები)

შორის.

იმის გათვალისწინებით, რომ შემსყიდველმა ჩაატარა გამარტივებული ტენდერი კომპიუტერული პროგრამის შედგენის მომსახურების შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება გაუწიოს შემსყიდველს მომსახურება წინამდებარე ხელშეკრულების პირობების შესაბამისად:

(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში `ხელშეკრულების ღირებულება`).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1`ხელშეკრულება სახელმწიფო შესყიდვის შესახებ` (შემდგომ – `ხელშეკრულება`) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2`ხელშეკრულების ღირებულება` ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3`შემსყიდველი ორგანიზაცია` (შემდგომ – `შემსყიდველი`) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 `მიმწოდებელი` ნიშნავს პირს, რომელმაც მოიპოვა გამარჯვება ტენდერში და უწევს მომსახურებას სახელმწიფო შესყიდვის შესახებ მოცემული ხელშეკრულების ფარგლებში;

1.5`დღე, `კვირა, `თვე ნიშნავს კალენდარულ დღეს, კვირას, თვეს.

2. სტანდარტები

ხელშეკრულების ფარგლებში გაწეული მომსახურება უნდა შეესაბამებოდეს ტექნიკურ პირობებში მითითებულ სტანდარტებსა და გასაწევი მომსახურების პირობებს.

3. ხელშეკრულების შესრულების კონტროლი

3.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი რათა დარწმუნდნენ მომსახურების შესაბამისობაში კონტრაქტით გათვალისწინებულ ტექნიკურ პირობებთან.

3.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, და კონტროლის (ინსპექტირების) შედეგად გამოვლენილი ხარჯების დაფარვა.

3.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან მხრიდან განახორციელებს ააიპ “რუსთავის კორპუსის” მთავარი სპეციალისტი ლია ბოლოთაური

4. მომსახურების გაწევის პირობები

4.1 მომსახურების გაწევა განხორციელდება ეტაპობრივად, ხელშეკრულების თანდართული ტექნიკური პირობებისა და მომსახურების გაწევის ვადებისა და პირობების შესაბამისად.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება განხორციელდება ეტაპობრივად ან/და მთლიანად მომსახურების გაწევიდან არაუგვიანეს 2 სამუშაო დღის განმავლობაში მიმწოდებლისა და შემსყიდველის უფლებამოსილი წარმომადგენლებს შორის მიღება-ჩაბარების აქტის გაფორმებით (შემსყიდველის მხრიდან სასაქონლო ზედნადების გაფორმებაზე უფლებამოსილ პირს წარმოადგენს წინამდებარე ხელშეკრულების მესამე მუხლის 3.5 პუნქტში მითითებული პირი).

6. ანგარიშსწორება

6.1. ანგარიშსწორება მოხდება უნაღდო ანგარიშსწორებით ლარში.

6.2 ანგარიშსწორება მოხდება ეტაპობრივად ან/და სრული მოცულობით მომსახურების გაწევიდან არაუგვიანეს 14 დღის განმავლობაში მომსახურების გაწევის დამადასტურებელი დოკუმენტაციის (საგადასახადო ანგარიშგაქტურა და მიღება-ჩაბარების აქტი) წარმოდგენის საფუძველზე.

6.3. ანგარიშსწორებისას დასაშვებია წინასწარი ანგარიშსწორება არაუმეტეს ხელშეკრულების ღირებულების 40 %-ისა შესაბამისი საბანკო გარანტიის წარმოდგენის შემთხვევაში.

6.4. საბანკო გარანტიის მოქმედების ვადა არანაკლებ 30 დღით უნდა აღემატებოდეს ხელშეკრულების მოქმედების ვადას.

7. ფასები

7.1 მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.

7.2 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.3 ხელშეკრულების ღირებულებითი პარამეტრების შეცვლა ხდება მხარეთა შეთანხმებით.

8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმებების გარდა.

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია 2 (ორი) კვირით ადრე.

8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. უფლებების გადაცემა

9.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

10. სუბკონტრაქტორები

10.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადებარე ხელშეკრულების დამატების სახით.

10.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

10.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

11. ხელშეკრულების პირობების შეუსრულებლობა

11.1 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის დამრღვევ მხარეს დაეკისრება პირგასამტეხლოს გადახდა, – ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.1 %-ს.

11.2 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს, შემსყიდველს უფლება აქვს ცალმხრივად შეწყვიტოს ხელშეკრულება.

11.3 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულების შეწყვეტა მისი პირობების შეუსრულებლობის გამო

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

12.4 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

13. ფორს-მაჟორი

13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულებაში სხვა რამ არ არის გათვალისწინებული.

15. გამოყენებული სამართალი

15.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. ხელშეკრულების ენა

16.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადაწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაცვლება მხარეთა შორის, უნდა შეესაბამებოდეს აღნიშნულ პირობებს.

17. შეტყობინება

17.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

17.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

18. გადასახადები და დაბეგვრა

18.1 უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

18.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

19. ხელშეკრულების მოქმედების ვადა

19.1 წინამდებარე ხელშეკრულება ძალაშია 2011 წლის ----- 2011 წლის 17 აპრილის ჩათვლით.

20. სხვა პირობები

20.1 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

20.2 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

20.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

მიმწოდებელი:
